

影印
文淵閣

四庫全書

影印

文淵閣四庫全書

第一三二四冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

范忠貞集

清 范承謨撰
劉可書編……………一

林蕙堂全集

清 吳綺撰……………一九五

欽定四庫全書

集部
范忠貞集卷一

詳校官檢討臣劉錫五

助教臣常循履勘

總校官知縣臣繆琪

校對官助教臣胡子衷

謄錄監生臣孔繼峯

欽定四庫全書

集部七

范忠貞集

別集類六 國朝

提要

臣等謹案范忠貞集十卷

國朝范承謨撰承謨字觀公號螺山鑲黃旗漢

軍大學士文程子也初充侍衛順治辛卯

詔八旗子弟均得應試遂以是科中式舉人次年壬

辰成進士改庶吉士授弘文院編修官至福

欽定四庫全書

范忠貞集

建總督康熙壬子逆藩耿精忠叛巡撫劉秉

政降於賊承謨抗節死之

賜諡忠貞所作畫壁詩石門吳震方嘗刻之說鈴中

為世傳誦是編乃其全集為清苑劉可書所

編首

諭祭文

御製碑文

御題祠額附以家傳及祠堂記共為一卷次撫浙奏

議一卷次督閩奏議一卷次吾廬存稿一卷

次百苦吟一卷次畫壁遺稿一卷次襍著一

卷次附錄題跋哀挽詩文三卷其奏議多有

關

國計之言詩文直抒胸臆慷慨激昂齟齬裂眦

之狀至今猶可想見文以人重承謨之謂矣

乾隆四十五年十月恭校上

總纂官臣紀昀臣陸錫熊臣孫士毅

欽定四庫全書

范忠貞集

總校官臣陸費墀

欽定四庫全書

范忠貞集卷一

清苑劉可書編

諭祭文

第一道

維

康熙二十年七月十五日

皇帝遣禮部左侍郎楊正中

欽定四庫全書

范忠貞集

諭祭原任福建總督加贈太子少保兵部尚書諡忠貞

范承謨之靈曰

朕惟國家勗勵臣工凡啟歷中外克著名績

者必被以厚終之典矧處艱危而孤忠罔替

守義分而九死不渝非示旌揚曷彰憫卹爾

范承謨提躬恪慎奉職勤勞膺簡任於北扉俾

旬宣於南服懲貪釐弊風裁可觀起瘠振貧惠

愛斯在北閩疆之移鎮值逆孽之陸梁籌畧未

施變亂旋及矢丹心於不屈三載幽囚蹈白刃
以同歸闔門屠戮慘酷斯極獎慰宜優是用
贈以崇階錫之美諡嗚呼捐軀授命樹臣節於
一時厚卹隆褒昭國恩於奕禩式將芬苾尚克
歆承

第二道

維

康熙二十年七月十七日

欽定四庫全書

范忠貞集
卷一

皇帝遣禮部左侍郎楊正中

諭祭原任福建總督加贈太子少保兵部尚書諡忠貞

范承謨之靈曰

惟爾矢心報國殉義忘身甫蒞巖疆遽罹狂噬疾
風勁草視一死以如歸烈燄純鋼經百折而不挫
特加優卹以慰忠魂再滌牲牢式陳寗窆靈而不
昧其欽承之

宸翰褒忠

原任福建總督加贈太子少保兵部尚書諡忠貞范
承謨碑文

朕惟朝廷簡畀重臣授以封疆之任平時則竭誠殫力
以靖厥職猝逢事變則有涼乎不可犯確然不可奪之
節舍生取義流光天壤古所謂不二心之臣如此而已
爾范承謨名臣之子奮迹甲科入侍禁林出典節鉞咸
有聲績著於當官洎閩疆蒞鎮之年值狂豎盜兵之日
寇起門庭禍生肘腋智未及施勇不暇展而爾志恥倖
生義無苟免奮身罵賊誓不共天遂致闔室幽囚三年
拘繫阻攷其衣食迫脅以甲兵兇焰彌張貞操愈勁卒
蹈白刃以作完人慷慨從容兼有其美茲者底定疆陲
申明命討罪人斯得臣節益昭倍深軫悼之情特厚飾
終之禮寵以隆秩諡曰忠貞嗚呼褒忠顯善帝王治世
之大權恩命疊頒朕曷有私於爾以培正氣以植人倫
庶使選懷之士覩盛典而知興慕義之夫聞休風而加
勸勒諸貞石其永有譽於無窮哉

欽定四庫全書

范忠貞集
卷一

康熙二十一年四月二十六日立

先臣自罹閔變軍命巖疆

皇上軫念孤忠謚廕祭葬優於

典制歿者存者

雨露均霑罔不鏤心刻骨矣迺者載荷

皇恩煥發

天章製文灑翰用表先臣幽隧

敕工鐫勒精采入神

欽定四庫全書

范忠貞集

四

鴻寶琬琰輝煌斧鬣先臣更不朽於九原矣又以

御書墨本

命祕殿褒潢鈐用

御璽

賜給臣家龍游鳳翥之奇遠近恭瞻忭舞交慶竊念

服官致命固從來臣子所當為

宸翰褒忠實曠代

君親之異數爰請

恩給內工別壽貞珉垂諸奕葉俾臣家長幼子孫一

如先臣捐糜頂踵仰酬不世之

殊遇於罔極爾

難廕生臣范時崇稽首敬述

欽定四庫全書

范忠貞集

五

康熙三十四年八月四日

忠貞炳日

恩賜



范忠貞公傳

公諱承謨字觀公號螺山文肅公仲子也沈毅英敏期北偉岸年十七充侍衛順治八年辛卯

詔八旗茂秀子弟應制科遂登賢書明年成進士改庶

吉士讀書翰林院猶間日入侍甲午

詔免扈從頗意肆業益肆力典文授弘文院編修乙未

擢祕書院侍讀學士辛丑陞國史院學士康熙六

年丁未教習庶吉士戊申陞都察院右副都御史

欽定四庫全書

范忠貞集

六

巡撫浙江公居禁近久雖謹嘿自持然留心經

濟於民生吏治瞭若指掌

上既親大政思得貞廉以風天下首擢用之公亦毅然

以匡濟爲已任及至浙絕苞苴禁私謁公移呈牒

嘗積日不批答屬吏莫能測居月餘一日俱下利

弊情形悉中機宜諸僚吏皆相顧歎服故事制撫

受事三月後得劾奏不法吏及期兩司列狀以白

公閱而哂曰是欲吾舍豺狼而問狐狸耶還之翼

日忽拜疏一時墨吏皆列白簡中諸僚吏無不驚

懼悚息浙故多巨猾率虎而翼擇人以食莫敢嚮

通公曰狼莠不鋤嘉禾不茂若輩皆大爲民害者

廉得其人俱立置重典間有一二逋誅亦盡室走

他方終公任內未敢一涉里門也浙東諸郡田多

磽确或斥鹵彌望舊稱瘠土以故正供懸逋令以

謫罰民以播越公爲請蠲奉

旨該撫親行查勘公即日戒途省車從裁供給從者纔

欽定四庫全書

范忠貞集

七

數人凡山陬海濱蔭蔀屋窮簷閭不躬歷或暫憩郵

亭或偶息樹陰山農獻脫粟村圃剖瓜分果公旨

之如飫大烹也所至之處父老對語稚子投懷於

是民隱畢達舉應蠲者皆其實以

聞疏再上遂蒙

報可辛亥歲大稔民無食公籲天自罪捐粟設糜借

司帑八萬乞糴吳楚未幾米艘銜尾而至下令平

糴民以不饑是歲嘉湖兩郡水災尤甚疏請改折

漕米二十二萬四千餘石冬復大雨雪仍請緩征
俟明年蠶熟俱得請湖州例辦南北絲十一萬斤
有奇南解江寧北解戶部運費不貲公請悉交杭
州織造局又得請嘉湖應輸白糧六萬六千餘石
王食所需歲有定期公念災民無力疏請三年帶徵
亦得請公感激

異數竭力撫綏體素羸弱夙疾既作因力疏請罷

溫旨許之浙人輟耕罷市排制府閨號泣請留制府以

欽定四庫全書

范忠貞集

聞

上念其誠特頒

溫諭勉令力疾視事壬子冬拜兵部右侍郎兼都察院

右副都御史總督福建軍務疏辭不允請

陛見允之瀕北發浙民送者亘百十里擁舟不得前有

瞽者百輩長號舟前曰小人心感公德目不能睹

公顏願得進抱公足一摩公衣公矜而許之瞽者

泣不止公亦爲之雪涕如是者竟十餘日出境百

里外始得放舟長行也抵都入覲

上慰問備至公頓首謝且力引疾

上曰卿氣喘語艱且暫休息既出

詔遣御醫就第診視兼

賜尚方藥餌逾月病稍可

命馳赴新任先是閩藩耿精忠請撤守歸京師

勅遣吏部侍郎陳一炳爲治行公至閩籌畫深謹人不

能窺精忠自襲父爵驕蹇多不法憚公威望引姻

欽定四庫全書

范忠貞集

姪少長誼執禮甚恭公接見一遵儀制未幾吳三

桂反

詔止閩藩弗撤精忠不自安遂陰同三桂逆謀公覘其

言貌異常深憂之欲出巡海嶠赴漳泉閱鎮兵以

遙制之精忠力挽其行公自計麾下士僅三千人

皆習與精忠部曲處脫有變不足恃乃密檄諸道

將以謁新制府爲名各率健兒至用折逆謀未及

行精忠反佯言海寇且至邀公議事左右請衷甲

以從公曰毋衆寡不敵躁動吳濟未幾巡撫劉東政亦至促之同行公明知事有變故坦然按轡至逆即已露刃蜂屯矣公知勢無還理挺身而前仰天大罵賊衆環臨重加束縛時一二狼卒有誤持劉臂者逆黨馬九玉急叱曰巡撫我一家人秉政惶恐斜趨而出公噴血切齒醜言痛詆賊衆拘之隘室水漿不入口者凡八晝夜舌敝唇裂齧肉皆腐罵聲漸微聞者猶狼藉塞耳瞋目怒視閱十日

神氣反旺自度不能死稍進杯水精忠復遷禁向內峻堵密棘防之益固一日忽遣逆黨劉秉政來說降公時杻械被項肘令兩卒扶之下牀劉且前且揖方冀有所陳說公奮足力蹴之劉狼狽失故遂仆地左右掖之而出公曰諸逆無道旋即誅戮我一擊之力似不可少公在幽繫中七百餘日日

冠

賜冠衣辭母時衣每逢朔望輒奉時憲歷一冊被械

北向拜跪溽暑時濕蒸如膩蓬垢支離虱蟻蚊蚋攢噉不休冬深夜永霜飈海氣侵入肌骨卒堅忍之罵詈之餘閒作詩文無毫楮乃燒椀存炭畫壁上得詩若干首復爲文自叙其生平大槩云丙辰王師破仙霞精忠降飾辭希免死慮公白其實於九月十六夜遣逆黨來害公公時方側臥聞變微笑曰今日方畢吾事索

賜冠賊黨呂八者奪而擲諸地復蹴之公怒以械索

摔其頭幾斃乃披衣露頂遙望

闕九叩首曰罪臣奉職無狀死遲矣遂遇害一時同死者自幕客至隸卒凡五十三人初公之被難也部曲有張福建者聞變手雙刃大呼奪門當之者無不立斃力竭被執賊愛其勇欲全之大罵不屈卒就死繼而精忠以三十二人監守公中有蒙古人嘛呢者爲僞散騎郎謀欲免公於難事泄精忠訊之大言曰范公忠臣爾逆賊寧與忠臣同死不願

與逆賊同生精忠怒礫之又有泰寧人許鼎者義
公所爲恒陰左右之凡所存片紙隻字悉爲收藏
精忠既害公令賊黨焚屍棄之山野鼎預往伏匿
夜分行亂石宿莽中覓得燼骸藏於家明年鼎負
骸潛行紆折萬里竟達京師事聞

上震悼

遣內大臣佟國維等三人

御前侍衛二十人齋大官茶酒哭臨其喪至壬戌精

欽定四庫全書

范忠貞集
卷一

十三

忠伏誅當赴曹時公子時崇親執刃寸磔其肉取
其心以告於公見者無不嘖嘖

上念公純忠大節

卹典槩從優厚營葬加祭任子

賜謚忠貞至

御製碑文

親揮宸翰

詔以真本賜其家尤屬古今曠典公忠孝性生友于敦

篤贍給族黨不遺餘力擇交惟謹雖賓客過從日
盈座上而心許者十不一二然春風所被無不傾
倒者居官剛正廉明而寬厚愛人體卹民隱故所
至人歌咏之至比之愛日德星焉公博學彊記著
屬文於詩尤有法遭難來多所散失僅存吾廬稿
浙閩奏議百苦吟畫壁詩文十餘卷行於世

清苑郭棻撰

崇祀錄

欽定四庫全書

范忠貞集
卷一

十三

福建福州府十學儒學廩增附生員林方歲林之
瑾陳濬王化純潘天麟許青霞吳能洪熙載陳日
行林湛等爲

大節光昭日月深仁永著河山懇乞崇祀名宦以
光俎豆以慰輿情事竊惟崇市樓空歌畱正氣岼
山碑樹淚灑偏襟聿彰聖代之名臣丕勵彝倫之
懿範伏念本省前任總督部院范諱承謨經文緯
武鐵面冰心斗曜鍾奇篤生三韓之地其裘接武

濟美太傅之家藥榜流芳花磚步影爰出

禁中之頗牧用作越地之金湯乃害馬必除扶顛路
以閑轡勒因哀鴻甫集脫矰繳而謀稻梁

北闕廢股肱之良南天借鎖鑰之重遂移福曜蒞我閩
天廉以物躬所啖惟峯前一水靜以馭動相看獨
省內三山方期久挹威鳳之祥何意遽遭潢池之
弄顧才能制變痛時勢之非常竟忠爾忘軀致英
雄之齎志忠誠感被親丁賓客亦甘蹈刃如飴烈

欽定四庫全書

范忠貞集

十四

氣激揚婦女婢鬟俱各投繯恐後聲淒夜雨遂令
對峯五虎而悲號氣捲寒潮行見連郭千榕而潸
淚茲逢大宗師哀榮一字論定千秋追念忠賢褒
成盛典以死報

國信竹帛之載光以惠勤民知替宗之允洽益其大
節沸于萬耳燦于萬目不待頻勘結而得定評若
夫附祠酌以三獻進以三登固宜借趨踰而隆崇
報伏乞

批行主者擇吉置主送入名宦庶輿情允協而俎
豆有光矣為此具呈須至呈者

閩縣儒學教諭謝 看得前任總督部院范 仁決
七閩功存萬禩殫事君致身之義學本素優矢見
危授命之忱守而勿失浩然正氣捐軀而碧血長
存卓爾孤忠殞命而丹心不死念生前之厚澤拊
膺墮淚愚夫婦感泣之誠畱死後之芳名表烈顯
忠都人士聞揚之誼固宜學宮鐘鼓振盪幽魂而

欽定四庫全書

范忠貞集

十五

明德馨香風勵名教者也

候官縣儒學教諭黃 看得前任總督范 功高
百世節著千秋歷任清華荷隆恩之寵眷象賢太
傅嗣相業之鴻休撫越四年文化誕敷江左制閩
五月德政功被海濱侍養多年固表事親之孝捐
軀一旦尤全報主之忠繫幽囚而百折不移嚼齒
牙而高聲長詈名可垂於竹帛節若峻於丘山允
宜永配宮牆長享俎豆者也

閩縣知縣祖 看得前任總督范 學貫六經才
參兩大本成已而成物勲猷必出乎至誠資事父
以事君忠孝乃原於天性始而撫浙六橋花柳堪
圖政事文章繼而督閩八郡山河永奠深仁厚澤
豈意潢池竊弄甘心縲絏羈囚抗節守貞三載歌
畱正氣見危授命千秋鶴唳華亭遠擬聖門四科
之選今集大成近揆歷代配饗之賢尤多勁節允
宜崇祀以附宮牆

欽定四庫全書

范忠貞集
卷一

十六

候官縣知縣趙 看得前任總督范 一身任天
下安危三載罹幽囚困苦既絕粒而復生且服未
而不解從容就義維殷報主之忠慷慨存仁遑有
思家之念愷澤旁敷於兩浙慈惠興歌大節聿昭
於八閩忠貞堪頌允作宮牆型範永垂俎豆馨香
當與天地共戴不朽者也

福州府知府陳 看得前任總督范 河嶽奇姿
乾坤正氣撫綏兩浙錢塘江水盡恩波總制七閩

平遠陽春皆德澤豈潢池之一弄遂拘繫於三年
絕食捐軀抱孤忠而丹心不易成仁取義歷百折
而視死如歸勁節凌霄忠貞貫日允宜配享俎豆
以激靡風以洽輿情者也

布政使司姚 看得前任督憲范 氣壯河嶽節
勵風霜作孝作忠才不負乎所學報君報國志無
忝於爾生撫浙四年愷澤淵深嶽峙督閩五月仁
恩日惠風和詎意變出非常隨致身罹奇禍受繫

欽定四庫全書

范忠貞集
卷一

十七

受辱忠心百折不回任涅任磨義氣三年彌篤洵
矣孔之所謂成仁誠哉孟之所云取義者也品行
宜祀宮牆姓字永馨俎豆以光倫紀庶慰忠貞

巡撫福建部院楊 批 如詳行仍候 總督部
院批行繳

總督福建部院即 批 范公清勤忠烈崇祀允
宜應如多士之請以光俎豆仰即舉行仍候 撫
部院批示繳

提學道孫批 前任總督范 誓報國恩百口
斷頭而不顧矢金臣節三年繫頸而益堅忠魂逐
海水常寒勁節偕閩山作礪允宜崇祀名宦以慰
封疆大臣於地下可也

送主入名宦祠祝文

維

康熙十有六年歲次丁巳秋七月丙子朔越十有

三日戊子福州府閩縣知縣祖寅亮候官縣知縣

欽定四庫全書

范志貞集

趙世晟謹以清酌庶羞之儀敢昭告于

皇清通議大夫原任總督福建等處地方軍務兼理糧

餉兵部右侍郎兼都察院右副都御史范老大人

神位前曰三韓雄鎮代有偉人文經武緯呂渭伊

莘緬惟我公嶽降帝賚早掇巍科玉堂展采厥先

太傅勲勒太常象賢濟美前徽後光撫浙肅僚威

名貫斗布德宣猷輿頌在口

天子宵旰軫念閩疆特隆節制永賴金湯閩人望公

來何晚五月平章恩膏暨遠禍變倏起百折不回
捐軀報國士民痛哀謂古聖賢俎豆奕世奉公祀
焉春秋配祭英靈如在追慕常新億萬斯年二旨
明禮尚饗

福州府十學僉呈生員

林芳巖	潘天麟	程日行	何振先	許湘華
林之瑾	許青霞	林志西	林可標	林方華
陳濟	吳能	周宗鼎	趙良臣	林之璋
王化純	洪熙載	范宣猷	李之駿	吳兆甲
			藍飛鵬	

欽定四庫全書

范志貞集

十九

王嶠然	戴天任	鄭若鈺	林基	陳迪儀	許邁	甘錫	鄭志廣	鄭啓焜	陳復旦	施堯挺
鄭仕進	林冠	金澄	陳學孟	黃鳳雲	毛翼坦	林錫	曹孟	曹廷	陳聖	張啓
蔡昌衡	黃起鵬	王九寧	林日高	陳日高	馬樹錦	何樹	王欽	薛時	鄭達	林洪
林鳳翔	趙良英	項林	林方	金潮	楊家麟	王異	黃宗芳	余	陳聖	趙聖

翁志煌	陳作樞	張升暉	陳升暉	梁時泌	力子僑	陳起嶧	葛起嶧	王世瀚	陳世瀚	鄭三壘	鄭三壘	張子儼	林卿撫	楊卿撫	謝廷章	俞廷章	吳大紳	李煥	陳元梅	黃元梅	高金梓	陳金梓	魏觀宸	魏觀宸	張登履	鄭登履
陳文選	李龍夢	林鴻羽	林鴻羽	戴化龍	葉正龍	林宗璋	廖鳳翹	林公受	林公受	林之蘭	林之蘭	蔡王鈺	莊為光	葛為光	李貴然	葉貴然	舒其瑞	胡其瑞	張學端	陳學端	王承憲	王承憲	曹鴻芝	曹鴻芝	陳椿茂	林椿茂
林翊聖	鄭錫相	陳鍾弘	朱任弘	洪有祥	林有祥	王以寧	甘以寧	馬以寧	蔡以寧	鄭以寧	鄭以寧	蔣昌衍	卓然諾	林卓然	蕭夢松	陳夢松	林寶龍	王寶龍	周昌瑛	石昌瑛	王信斯	呂信斯	張斯琦	張斯琦	林文遇	林文遇
王大韶	孟方開	藍開燁	劉開燁	張子儀	楊臣儀	陳文儀	葉允中	薛允中	林允中	葉雲鈞	葉雲鈞	陶有挺	陳國翰	林國翰	何慎言	即慎言	陳瑣	陳瑣	宋士瑒	張士瑒	劉文耀	黃文耀	王永祿	廖永祿	鄭瑞均	王瑞均

欽定四庫全書

范忠貞集

二十

成仁取義君子之大閑舍命致身人臣之亮節故	作忠作孝所以立萬古之綱常而懋德懋功允不	忠貞范公祠堂碑記	福建烏石山上	卓道高	陳克英	林文靜	戴宗禮	孟無芳	陳丹書	鄭丹書	朱登遠	梁登遠	吳國瑛	陳振庠	邵振庠	鄭廷綱	周廷綱	楊獻策	魏明志	林逢春	高逢春	陳捷先	陳捷先	鄭愷極	鄭愷極
					沈增輝	張觀光	高宗圭	胡繼祺	邵良佐	陳天柱	甘基勉	游基勉	趙子位	周定國	田元禎	陳元禎	邵揚春	王真昂	楊君灼	程朝璜	郭朝璜	林開勳	林開勳	郭維儀	郭維儀
					劉必第	徐三錫	翁陳書	葉天簡	黃士章	趙士章	陳日新	鄭日新	張子位	鄭子位	黃瑞吉	林瑞吉	魏敬一	林敬一	楊君灼	陳允弘	陳允弘	林文瑞	薛文瑞	陳宗莊	陳宗莊
					張子吉	姚可教	何元濟	陳自馨	鄭啓有	羅啓有	高啓有	陳廷彪	林官上	林官上	林官上	林官上	林官上	林官上	林官上	謝恩	謝恩	張可林	李可林	王天申	唐一璠

欽定四庫全書

范忠貞集

三

愧千秋之崇報如 原任福建總督加贈太子少

保兵部尚書諡忠貞范公諱承謨其人者生則降

自崧嶽爲半壁之長城死則重如泰山扶兩間之

正氣者也公少壯登朝精神許國父爲從龍之首

相世篤忠貞身應鳴鳳之昌期名隆翰苑樞機參

北院蚤結魚水之懽鎖鑰出南天旋奏虎林之績

遂移浙土擢制閩疆蓋自下車之初快睹飲冰之

操安全爲念謂釐奸剔弊之在所先痼疾乃身如

欽定四庫全書

范忠貞集

卷一

拯溺救焚之不容緩凡經咨訪次第舉行以邦本

莫重於務農而民力亟謀其寬恤落甲自運而里

戶不困包賠革役給單而現年不病需擾差徭計

畝均派以清任意盈縮之姦丁口按地編徵以杜

缺額逃亡之害軫恤匠籍而一班不患重科蠲免

寺租而一田不憂兩稅併圖減役而人無出鄉充

役之勞分圖納糧而人無越境催糧之苦以至里

書聽乎公舉冊式務於簡明所有種種之檄行具

見諄諄之節愛其興文教也徧頒

上諭之講章以維風俗躬臨觀風之考校以重膠庠其

修武備也察核將弁之材能而勤騎射汰補目兵

之羸弱而簡車徒凡茲老成練達之深心莫非桑

土綢繆之至計顧乃患生肘腋寇起門庭誠有如

睿鑒所云智不及施勇不暇展者公奮身罵賊緘口絕

糧兇譏彌張毅操益勁段司農笏批朱泚顏杲卿

面唾祿山自昔所稱於今爲烈將食叛人之肉朽

欽定四庫全書

范忠貞集

卷一

腹不饑每握義士之拳拊膺欲絕若冰趨乎鼎鑊

而鼠視乎豺狼讐尚戴天憤餘生之與共艱逾嚙

雪誓九死以不移卒騎昏虛旦柳而歸允兼慷慨

從容之美未幾底定大節益光

皇上軫悼蓋臣優

賜諡廕祭塋重以

御書給爲家寶可謂極褒嘉之異數備存歿之至榮矣

惟我閩人欽魯郡之孤忠思國僑之遺愛已於康